


# ქვეყნის

იუმორისგ.  
ჟურნალი

# მათერასი

№ 44

## სახელწოდების დღე



ისტორიის მკვლევარმა გადმოკვებით, ძველ საქართველოში სახელწოდების დღესასწაულზე მოჰქონ-  
 თაიკულები, ტკბილეულება და ათასი სხვა უსარგებლო საჩუქრები. მადლობა ღმერთს, ეს ჩვეულებ-  
 საბოლოოთ მოასპო, რასაც ამტკიცებს დღესასწაული ქ-ნ დარეჯან რევაზის ასულ პურადისა.

ქართული  
მოღვაწე

# ღათა ბუქაძე

(შემდეგ\*)

კრების შემდეგ „საჩქელოს“ პირველსავე ნომერში მოთავსებული იყო ვრცელი ანგარიში კამათისა. ანგარიში ასე თავდებოდა:

„სამწუხარო დამსწრე საზოგადოებას მხოლოდ ისღა დარჩა, რომ ჩვენმა სასიქადულო მოღვაწემ, ბ-ნმა დავით ბუქაძემ, ვერ მოახერხა თავისი მრავალმხრივ საყურადღებო მოხსენების წაკითხვა, ვინაიდან ხელნაწერი დაეკარგა. როგორც გავიგეთ, ცნობილ მოღვაწეს განზრახვა აქვს აღნიშნული შრომა აღადგინოს და ცალკე წიგნათ გამოცეცს, რის აღსრულებასაც წრფელის გულით ვუსურვებთ“.

ყოველივე ეს ქალაქში ხდებოდა, ხოლო პროვინციაში, სადაც გაზეთს „ანიდან ჰოიემდე“ კითხულობენ, დავით ბუქაძის სახელი დღითი დღე იზრდებოდა. ექვსი თვეც არ გასულიყო მისი არსებობის პირველხსენებიდან, რომ უკვე სამიოდ საზოგადოების ვამგეობაში ამოყო მან თავი და საქმეთა განსჯას ესწრებოდა. პირველ ხანებში დათა ბუქაძე ვერ ეგუებოდა ჩვენებურ საქმიანობას. გაუგებარი და დაუსრულებელი კამათი საშინლად ჰქანცავდა მას. ხშირათ პირველი ორატორის სიტყვებზევე უნახვთ ჩამოძინებული, ხოლო კრების ბოლომდე თითქმის არასოდეს არ გაუძლია.

რეპარტიორი ვანუა, რა თქმა უნდა, საცდელს აღარ აკლებდა და ყოველი კრების შემდეგ რაიმე უცნაურსა და უჩვეულო ამბავს მიაყოლებდა:

„როგორც გავიგეთ, გუშინდელ კრებაზე „ქართველ ისტორიკოსთა“ საზოგადოებამ დაადგინა: გაგზავნოს ჩვენი ახალგაზრდა მეცნიერი დავით ბუქაძე ბორჩალოს მაზრაში იქ არსებული, დიდებული მარტვილის მონასტრის ნანგრევთა შესასწავლათ“.

„ქართველ მეურნეთა“ კრებას, — ეწერა მეორე ალაგას, — განზრახვა აქვს მიანდოს ცნობილ აგრონომს დავით ბუქაძეს სოფელ ახატანში განზრახულ საშუალო სამეურნეო სკოლის პროგრამის შედგენა. ამბობენ, ბ-ნი დავითი თანახმაა ეგ საშუალოშივილო საქმე იკისროსო და თუ მართლა იკისრა იმედი გვექნება კეთილად დაავგირგვინებს“.

ბოლოს და ბოლოს, რასაკვირველია, დათაც ძლიერ გაუთამამდა საზოგადო მოღვაწეობას; გამგეობათა კრებებს ხშირათ არ ესწრებოდა, სამაგიეროდ როცა მივიდოდა ნაშუაღამევის ორ-სამ საათამდე რჩებოდა და მასლაათობდა. როცა გამოერეოდა გაზ. „საჩქელოს“ ნომერი, რომელშიაც მის შესახებ ცნობა არ იყო, დათას საოკრად უკვირდა. მოლა ნასრედინასა და ფლავისა არ იყოს, თითონ დათაც დარწმუნდა თავისს „მოღვაწეობაში“ და ნაშუაღამევს სახლში დაბრუნებული ცოლისაგან განსაკუთრებულ ყურადღებას მოითხოვდა ხოლმე.

„საჩქელოს“ მიბაძულობით სხვა გაზეთებმაც დაიწყეს „დავით ბუქაძეზე“ წერა.

ამას ხელი შეუწყო იმ გარემოებამ, რომ რეპორტიორებმა ერთად დაიწყეს შეკრება და ცნობების განაწილება. ვანუა რეპორტიორი რასაკვირველია ყველაზე უფრო გამოცდილი და დახლოვებული იყო თავის საქმეში. რასაც კი იმის რვეულში ამოიკითხავდენ ყველაფერს დიდის სიამოვნებით ავრცელებდენ დანარჩენი მისი ამხანაგები. აი მაგალითად სამეურნეო გაზეთი „ტყლაპი“ სწერდა:

„სარწმუნო წყაროებიდან გავიგეთ, რომ ცნობილ ტეხნიკოს დავით ბუქაძეს გამოუგონია ახალი კონსტრუქციის წისქვილი, რომელიც გარეშე ძალის გარეშე ბრუნავს და საათში ორმოციოდ ფუთ ხორბალსა ფქვამს. კონსტრუქცია იმდენათ სადაა, და აგებაც იმზომ იაფი (თითო წისქვილი 47 მან.) რომ თითქმის ყვეოჯახს შეუძლია იქონიოს“.

ეფემკი.

(შემდეგი იქნება)

\*) იხ. „ეფემკი. მათრახი.“ № 43.

# გურული სენა

# ჩემი დღიური

რავარც იყო გადამადლიტიინდა თავზე მაი გა-  
 ოხინკილებული წელიწადი! მევიდა მარა რა მევი-  
 ა, დაზავდა თლათ სიმინდი, ღომი, ლობივი,  
 კერცვი, ღვინო, ნიგოზი, ხაპი, ხაპერაი! აღარ-  
 აღდა წისკვილი, აცუცხუნდა კერიეი, გაელდა კე-  
 კი, გამოწიწინდა თორთქოლო ქადი, გობით ქო-  
 ალობიეი, დოქით მაქარი; აკუნტრუშდა ბაღნები,  
 აწყნარდა ქუქულები ბზიაქი, ძალღმა დეიწყო  
 ჰდგარი ყეფა, მოტკბა გაკაბასებული მარინა, და  
 თლათ გადამავიწყდა ძველი შიმშილობა და მისი  
 ამწარე.

თუ არა ვცდები, (შეუცდომელი კი მხოლოდ  
 ომის მიმოხილველები არიან) ვგონებ მესამეთ ვიწ-  
 ყებ „ჩემი დღიურის“ წარმოებას. მოდი მესამეთაც  
 ვცდი! გარდა იმისა, რომ ღმერთი სამპიროვანია,  
 საბერძნეთის დროებითი მთავრობაც „ტრიუმვირა-  
 ტზეა“ დაყრდნობელი და შორს წასვლა თუ არ  
 გეჭალისებათ ჩვენი ცხოვრების უდიდეს საკითხებ-  
 საც „სამთა კავშირი“ ე. ი. სამი უწარჩინებულესი  
 მინისტრის საბჭო განაგებს.

მაშ მოდი ვცდი მესამეთაც! პირველი ორი  
 ცდა აღარც კი მახსოვს რისთვის დამარცხდა, მაგ-  
 რამ დამარცხება ხომ „ეტაპია ბრძოლის დროს“?  
 თუ ღმერთმა ჰქნა და ეს ომი სამ-ოთხ წელიწადს  
 კიდევ არ გათავდა, ამის ნაგალითებს მე ბევრს და-  
 გისახელებთ.

ვიწყებ.

## 21 ოქტომბერი.

ვინმე იფიქრებს: 21 ოქტომბრიდან მისთვის  
 დაიწყო დღიური ბ-ნმა ეშმაკმა, რომ გუშინ, 20  
 ოქტომბერს ჯამაგირს მიიღებდა და მხიარულ გუ-  
 ნებაზე იქნებოდა.

სრული სიცრუეა! მართალია მე აღთქმული  
 მაქვს ადგილი (აღბათ თბილი) ქალაქის გამგეობა-  
 ში, მაგრამ, როგორც კი შემიპირდენ, იმავე დღეს  
 გაზნეთებში ამოვიკითხე: „გასული თვის ოცს  
 ქალაქის მოსამსახურეებს ჯამაგირი არ აუღიათ, ვი-  
 ნაიდან ქალაქის კასაში ფული არ აღმოჩნდაო“  
 მიკვირს ღმერთმანი! ადგენ და დაბეჭდონ ეს ქა-  
 ლაღლის ფულები, ესეც გაზეთი „საქართველო“  
 ხომ არ არის რომ არ გასაღდეს?

ყოველ შემთხვევაში თქვენთვის ცხადია, რომ  
 20 ამ თვეს ჯამაგირი არ ამიღია და მაშასადამე  
 ხუმრობის გუნებაზედაც არ ვიქნები. არა თუ მე,  
 როგორც გაზეთი „საქართველოს“ სამხედრო მი-  
 მოხილველი ბ-ნი X იუწყება (და ის ხომ სააღალო-  
 ბელოთ არაფერს იტყვის) თურმე „აღმოსავლეთ  
 ბრძოლის ასპარეზზე, ქ. ბრეჟანის სამხრეთით მო-  
 პირდაპირე აღარ ხუმრობს“. არც თუ გასაკვირია გერ-  
 მანელთა ასეთი სულიერი განწყობილება. ეს ორი

შხანკოლა

წელიწადი სულ ხუმრობაში გაატარეს აღმოსავლეთ, დასავლეთ, სამხრეთ და ჩრდილოეთ ასპარეზზე, თავიც მოგვაბეზრეს ამდენი ხუმრობით

22 მძტომგზირი.

დღევანდელი დღე ფრიად ბედნიერი დღეა ჩემს ცხოვრებაში, დღეს ტრამვაის ვაგონში ადგილი ვიშოვნე.

23 მძტომგზირი,

„ზოგი კირი მარგებელია“ ამბობს ქართული თქმულება. ჩვენს ხალხს კომპოზიტორები ესაქიროება, მაგრამ კომპოზიტორი კიტრი, ან „პოეტი“ როდია. ამიტომ უდიდესი სიხარულით აღივსო ჩემი გული როცა „თეატრი და ცხოვრების“ 43 ნომერში წავიკითხე:

„რომანებს სწერენ თანამედროვე ცხოვრებიდან მ. ბოქარიშვილი და გ. მუმლაძე“-ო.

ბ-ნი გ. მუმლაძე აგერ ახლა უბრალო კარეს-ბოდენტი იყო გაზ. „სამშობლოსი“, რომელსაც ქ. ოზურგეთში ჯოხით შეეხენ და ამ უსიამოვნების შემდეგ უცებ რომანების წერა დაუწყია. ამბობენ კ. ბალმონტი მეორე სართულიდან გადმოვარდა, თავი გაიტეხა და ამიტომ გახდა ასეთი სახელოვანი მგოსანიო. ვინ იცის! ღმერთმა ჰქნას მართალი იყოს.

ამავე ნომერში ჟურნალი „თეატრი და ცხოვრება“ სწერს:

„ჟურნალისტი ი. გოგოლაშვილი არჩეულ და ერთხმად დამტკიცებულ იქმნა ქალაქთა კავშირის მთავარ კომიტეტის რწმუნებულათ ლაზისტანშიო“.

ვზივარ და ვფიქრობ: „რალა მკითხველი მე ვარ, როცა ასეთი თვალსაჩინო ჟურნალისტის ერთი ნაწარმოებია არ წამიკითხავს მეთქი.

ხასიათით წყნარი, დინჯი, (არ დავეძებ ძლიერ ლამაზს, თუ არ დარჩა სულ მახინჯი). ოჯახს კარგათ უპატრონოს, და ქონებას მოუაროს, საკუთარი ქმარის ნაცვლათ სხვა არავინ შეიყვაროს. მოდურათ არ მოიკაზმოს, და არ აჰყვეს უსაქმურებს, ქორებით და კაპასობით, არ გამომიქედდეს ყურებს.

გავიარ-გამოვიარე, გავაყოლე თვალი ქალებს, რომელიც რომ უსაქმურათ დაფარფატებს, დაცანცალებს. მომეწონა ერთი გოგო, (ამივარდა გულის ძგერა) და გავიცნეთ ერთმანეთი... (სახელათ მას ერქვა ვერა). გავუცინე; გამიცინა. გამიყვრა მკლავში მკლავი, თვალი ისე გადანაბა, როგორც ცხვარი დასაკლავი. ავი ვკითხე, იგი ვკითხე, ჩამოვუგდე საუბარი, და უთხარი: —რა იქნება მე რომ გავხდე შენი ქმარი?! —კარგიაო... გაუხარდა, მაგრამ მოგთხოვ პირობასო, არ დავეძებ ცუდ დროებას, ყველაფერის ძვირობასო. უნდა კარგათ მოიკაზმო — უკანასკნელ მოდურათო თმა შემფურით დავიგრიხო, ჩემებრ, ლოთი-ფოთურათო. სადაც მინდა იქ წავიდე, ყველგან უკანტროლოთაო და თუ ამის ნებას დამრთავ გამოგუბი ცოლათაო“. შევაქციე ხელათ ზურგი, ჩამოვშორდი, გამოვბრუნდი, მისი „მრწამსის“ გამოცნობას დიდი ხანი არ მოვუენდი.

კატარა ფელესტონი  
ს ა ც ო ლ ე ს ვ ი ძ ე ბ

ცოლის შერთვა განვიზრანე, გავბრიყვდი და გავტუტუტდი და ვიფიქრე, —დროი ქვა, რალა ტარტაროზებს ვუცდი?!.. მოვიყვანო ერთი გოგო,

კვლავ დავიწყე ხეტიალი,  
ისევ ცოლის საქებარათ,  
სულ დავზვერე „ბარიშნები“  
სადაც ვნახე: მთად თუ ბარათ.

მომეწონა ერთი გოგო:  
თვალ-ტანადი, ახოვანი,  
სახით იყო თოვლის ფერი,  
ირემს მიუგავდა ტანი.  
თვალი თვალში გაუყარე,  
მანც თვალები დამიბრუსა...  
გავიცანით ერთმანეთი:  
(სახელად მას ერქვა ნუსა).  
ჩამოვუგდე საუბარი,  
იქითური, აქეთური,  
უსაფუძლო მუსაიფით  
ერთობ გამიქედა ყური.  
ბოლოს ვკითხე:—ჩემო კარგო,  
თუ გაპყობი ამხანაგათ,  
თანხმობით და გარჯა-შრომით  
ჩვენ ვიცხოვრებთ ძლიერ კარგათ.  
არაფერი დაგვაკლდება,  
ყველაფერს ვიშოვით ბლომათ,  
სამოსი და საზრდო პურიც  
ჩვენ გვექნება გასაძლომათ.  
გაუკვირდა ჩემი სიტყვა,  
გაიცინა, გაილღარჯა,  
და სთქვა:—„რალათ მინდა ქმარი  
თუ დამქირდა შრომა-გარჯა?  
ოჯახობა მე არ ვიცი...  
ხელ-საქმობას ვიზამ ძნელათ,

. . . . .  
. . . . .

და თუ ასე უსაქმურათ  
დამსვამ ბუმბულ-საფარცელში,  
მაშინ გამოგყვები ცოლათ  
და მომეცი ხელი ხელში“.  
შევაქციე ხელათ ზურგი  
და იმ წამსვე გავეცალე,  
მე იმისი მოქმედება  
გამოვიცან ძლიერ მალე.  
და დავიწყე ისევ სხვაგან  
სიარული, ხეტიალი,

სადაც ვნახე ლამაზები  
ყველას გავაყოლე თვალი.

კიდევ გავიცანი გოგო,  
(ოი, მას გაუწყრეს ღმერთი),  
თავსა ბატკნათ მაჩვენებდა  
თურმე იყო კურმუხეთი!  
მისი სიტყვა, მისი საქმე  
მე სულაც არ მომეწონა  
და დავტიე გულ ნატკენი  
(სახელათ მას ერქვა სონა).

დაბოლოს ის გავიცანი—  
(ვისაც ერქვა მარუსია),  
განუცხადე ჩემი დარდი  
და გავანდვე ნამუსია.  
გაიცინა, გაიღრიჯა,  
შევატყვე რომ ვაუხარდა,  
ჩამეხუტა და ხელები  
შემომხვია არდიგარდა.  
ასე მითხრა:—ჩემისთანას  
ბევრი სძებნო ვერ იშოვნი,  
მოგიყვები ჩემს ღირსებას  
რაც კი რამ მაქვს მოსაწონი:  
ოჯახობა კარგი ვიცი,  
და ხელ-საქმე საუცხოვო,  
ნუ გგონია მეც სხვებსავით  
ძოდები რომ მოვითხოვო.  
ქმრის გარეშე მე ხორც შესხმულს  
არავის არ გავუცინებ,  
მე ვერ ვიზამ უზნეობას,  
ასეთებს მე სხვებსა ვცინებ.  
საკოცნელათ მე ჩემს ლოყას  
არ შეიყობა და ხუნტრუცი  
მე სიამეს არ მანიქებს.  
ბევრი სხვებიც იტატანა—  
თავის ქება, სხვისი ძრახვა,  
თვისი ცული მოქმედება  
სხვისი სახით დამანახვა.  
რა შევატყვე ცბიერობდა,  
მისი სიტყვა იყო ბრუდი,  
შევაქციე მასაც ზურგი  
და უკანვე გამოვბრუნდი.

ახლა რა ვქნა აღარ ვიცი...  
 სად წავიდე, ვინ მოვნახო,  
 მე საცოლეს ვერ ვიპოვი  
 ქვეყანაც რომ გადავლახო.  
 და უღირსის უღლათ ყოლას  
 ისევ ის ჯობს—ვიყო ცალათ,  
 (მე ვიშრომო და მახინჯი  
 შინ დავისვა დედოფალათ?).

გურიანთელი.

# სანაკლო

(ოზურგეთისათვის ფეშქაშათ)

ისეთი პატარა ქალაქისათვის, როგორც ოზურგეთია, სულ პატარა რამ საკმარისია დიდათ გაბერონ, გააზვიადონ, „რწყილს მუცელი ააქციონ და აქლემი აშობინონ“.

ამ დღეებშიაც ასე მოხდა, მხოლოდ იმ განსხვავებით, რომ რწყილმა აქლემის მაგიერ კაი გძელ ყურა ვირი, ის „პურა-ძვირი“ შობა, „ქინქალაის (ქინქრაქას) ქოქის მონასვამზე შვავი გამოსდკდა“ და შვავს ჩოჩორი გამოყვა. აი როგორ მოხდა ეს ამბავი დიომიდე ვასაძისათვის—„საჯაყი“ და სამსონ ჯაყელისათვის სასარგებლო საქმე. არ ვიცი რა რიცხვი იყო, მაგრამ დაბეჯითებით ვიცი, რომ ენკენისთვის კვირა დღე იყო (ამ წელში), ისიც ვიცი გაზეთ „სამშობლოს“ კორესპოდენტის ბნ გიორგი მუმლაძისათვის ეს დღე კვიმატი დღე დარჩა, არც ის ვიცი ეს დღე წარმო იყო, თუ უკუნი, მაგრამ ის კი ვიცი, რომ ამ დღეს საპარასკეოზე მომხდარმა ინციდენტმა წარმოება შეაჩერა, მყიდველ-გამყიდველები არივ-დარია, რასაც მოყვა ქოთან-დოქ-ქარიკა-ქურების შეხეთქებ-შემოხეთქება, ერთი სიტყვით მოხდა „სვრანი და ძვრანი“ „და იყო ეამი იგი შუადღისა“ სწორეთ იმ დროს, როცა მზე საშუაღდღოს გაუპირდაპირდა, მაშინ ოზურგეთის საურთიერთო ნდობის ბანკის დირექტორმა აღმასხანმა თავისი გარგანი (რომელი ითარგმანების ქართულად ტროსტათ) დაუპირდაპირა თავსა ბანკის ყოფილი ბუჰალტრის გიორგისასა. აღ-

მასხანის საქციელი არამც თუ სხვებს არ მოსწონებია, არამედ ის არ მოეწონა გიორგის მეუღლესაც კი (თუმც როგორც ვიცით სჯულიერი მეუღლეები ყოველთვის მომხრენი არიან ქმრების დასჯისა), რომელიც ქოლოგი (ქართულად ზონტიკი) გამოუდგა აღმასხანს, აღმასხანმა გმირ ქალს გმირულად ზურგი უჩვენა და მოკურცხლა.

დასაგმობი საქციელი ბლიკვიში და ტუქიზში ყველამ დაგმო, მაგრამ ზოგს ესიაშგენა და უღელ-შებში ჩაიციან: თუ ვიშოვნე დრო აღმასხანს ბანკიდან გადაყუდედების, ახლა ვიშოვნეო თქვეს და ის კი აღარ გაიკითხეს: აღმასხანი, როგორც ბანკის დირექტორი ღირსია თუ არა გადაყუდედების პატარა პროვინციაში ამას არავინ კითხულობს, უმეტესად აქ პირადობაზეა აგებული საქმე დღეს შენ ხარ, ხვალ მე უნდა ვიყო, მაწყენებ-გაწყენებ, დირექტორიც, თუ ბანკის ინტერესებს იცავს, მტრებს სულ ადრე იშოვნის. ზოგს ვექსილს არ დაუზურდავებს, ზოგს ვადაზე ფულის შემოუტანლობას მოსთხოვს, ზოგს იმდენ სესხს არ მისცემს რამდენსაც თხოულობს, ზოგის ნათესავს ბანკში არ მიიღებს და სხვა. ასეთი უკმაყოფილო პირები ყველგან ბევრი გამოჩნდება და ოზურგეთშიაც არიან: ამათ სამწუხარო ინციდენტს კრიტიკული თვალით კი არ შეხედეს, არამედ, როგორც უმაღლესად „კულტურულმა“ ადამიანებმა „უკულტურო“ აღმასხანის ბანკიდან გაძევება და მის ნაცვლად ვინმე თავისიანის წამოსკუპება განიძრახეს. გამართეს ხელის მოწერა. ბანკის ზოგიერთ წევრს სრული შეგნებით მოაწერინეს ხელი, ზოგს სხვა და სხვა მიზეზი უთხრეს, და მით შეეცდინეს... მოითხოვეს ბანკის წევრთა კრების მოწვევაც „დალუბული“ ბანკის საქმეების გიმოსაკეთებლად. სიქმე გაიჩარხა. საბჭოს განცხადება მიართვეს, მაგრამ ზოგმა, როცა გაიგო ნამდვილი მიზეზი, მოითხოვა მისი ხელის მოწერა არ მიეცათ. არ იყო საქმე და გაჩნდა ბანკის წევრები ორ მოწინააღმდეგე ბანაკათ გაიყვნენ; უმცირესობა ანტი აღმასხანისტები თავიანთ ბანაკის ჯარის კაცებს ხელის თითებზე ითვლიან (ეს იყო 30 ენკენისთვეს), თუ ვინ მოაწერა ხელი განცხადებას. მათ შორის იმართება შემდეგი დილოგი:

ბ. დიომიდე ვასაძე, ყოფილი დირექტორი

მე ნამდვილ ვიცი, რომ თეოფილე გობრონიძეს განცხადებაზე ხელი აქვს მოწერილი.

ბ. გრ. ჩიჩუა ნოტარიუსი და საბჭოს თავმჯდომარე: თეოფილეს თქვენ პარტიაში ნუ თელით, მე დანამდვილებით ვიცი განცხადებაზე მას ხელი არ უწერია.

ბ-ნი დ. ვასაძე: ნამდვილ ვიცი, მე მოწმეც მყავს.

ბ-ნი ჩიჩუა: მე თვით ვნახე და უკეთ ვიცი.

„იჲან ეს სთქვა, იჲან ის სთქვა“ ერთმა მეორის არ ირწმუნა, თავის სიმართლეში ორივე დარწმუნებულნი იყვნენ, უფრო კი „გული საგულესო დიომიდეს ჰქონდა, იმიტომ პირველმა მან მისცა წინადადება ბ-ნ გრიგოლს „დავნიზლავდეთო“. ვინც წაგებული გამოვიდოდა იმას „კლუბში“ უნდა გაემართა ვახშამი. ვახშმის დროც იყო. გაეშურნენ საკრებულოსაკენ. გზა-გზა სტუმრებს ერთი-ევატიყება მეორეც. ვაიშალა ფართო სუფრა, ერთი-დარდიმანდობს და მეორეც: მოიტა ეს, მოიტა ის, არ შემარცხენო, ფულზე არ შეგვიცოდვო. ხშირად გაისმის. დიომიდეს ეცინება, დარწმუნებულია გრიგოლ მოატყუა, გრიგოლსაც ეცინება მუქთი ქელეხი და ისიც დიომიდეს ხარჯით უხარია. სასტუმროს პატრონს სამსონს და სტუმრებს სულ არეფერი აქეთ სადარდა. ფარეშები გამალებით მიდი მოდიან, სიმღერა და მხიარულება გათენებამდე გასტანს. ანგარიში მოითხოვეს: რვა თუმნამდეა.

— ხვალ ან გრიგოლი, ან მე მოგართმევ, უფრო კი გრიგოლ. მხიარულად ამბობს დიომიდე.

— უფრო კი დიომიდე გაგისწორდება. ბრძანებს გრიგოლი.

— ღმერთმა აღდევრძელოს აღმასხანის ჯოხი. ხუმრობენ შეზარხოშებული სტუმრები.

**დასკვა**

მეორე დღეს დიომიდე მწარეთ სტიროდა და მოსთქვამდა:

— ამდენი ხარჯი ქორწილზე არ მომსვლია. ი. ეხლა ის იმას ანგარიშობს, თუ რომელ ფართალს რამდენი წაუმატოს და დანახარჯი რითი გაინაღლოს.

**დიმიტრის სიმღერა**

ტრაპიზონისკენ მივდივარ დიმიტრა, სახელ ქებული, თხლე იმისა და თხა ამის „სტარშინათ“ მირონ ცხებული, ეშმაკის მათრახისაგან

ბევრ ჯერ ზრუგ აცხუნებული ახლა კი ლადიკოსაგან მინდორში გახტუნებული. ლანჩხუთი რჯულზე მოვქამე, მივალ და მიმიხარია მრავალი საქმე დავმარხე ვერ მოსთხრის ასი ბარია ამ ბოლოს გამომიქექეს ვშიშობ მაღინონ ძმარია, ძველ ბოქაული რომ არ მყავს სულაც იმის ბრალია. ღმერთმა ნუ სწიოს ლანჩხუთლებს ჩემი ცოდო და ბრალია, ქვეყანა მცნობდა, ახლა კი მათ დაიბრმავეს თვალია. აქ ხრიკი აღარ გამიფა ცეცხლზე დამესხა წყალია, ტრაპიზონს ვინმე თუ ვიგდე ვაი იმისი ბრალია. მივდივარ მიმიხარია დიმიტრა სახელ ქებულსა ლანჩხუთელების ზურგზედან სამი წლის გასუქებულსა.

სიფთა.

**ქველმოქმედება**


ღმერთმა რომ ქართველი კაცი გააჩინა (თუ კი მან მართლაც მიიღო მონაწილეობა ამ საქმეში) ზედ გულის ფიცარზე დააწერა:

— შენ ქველმოქმედებისათვის და ქველმოქმედება შენთვისო.

ეს ღრმა თქმულება მე ასე დავახურდავე:

— ქართველო კაცო! ქველმოქმედება შენი მოღვაწეობის საგანი უნდა იყოს, ვინაიდან შენ თითონ საქველმოქმედოთ ხარ გაჩენილიო.

იქნება ჩემი განმარტებიდანაც ბევრი ვერაფერი გაიგეთ, მაგრამ, თუ ბევრის ვაგება გინდოდათ დაესწრებოდით ქართულ საქველმოქმედო საზოგადოების საზოგადო კრებას! ავი ვთქვი, თქვენ ყველაფერი მზა-მზარეული, ანუ უკეთ ვსთქვათ საქველმოქმედო გინდათ. იცით, რომ „ეშმაკის მათრახი“ ყველაფერს მზა-მზარეულათ მოგართმევს და თავს რისთვის შეიწყუბებთ!



კრება პატრიცელში თავედონარემ საზოგადოებრივ მ. მაჩაბელმა გახსნა. კრების თავმჯდომარეთაც ის იქნა არჩეული ერთხმად\*). ამ შემთხვევაში ტრადიცია იქნა დაცული.

სამაგიეროთ კრებამ სხვა მხრივ ვერ დიდი ქართული კრებების ტრადიცია. მე მოგახსენებთ კრების ერთ დღეს დამთავრების შესახებ. ასეთი საქმე ქართულ საზოგადოებებს არა სჩვევიათ. ამის კლასიკურ მაგალითს წერა-კითხვის საზოგადოების კრებები იძლევა და საჭირო იყო, თუ ტრადიცია კი რამეს ნიშნავს, საქველმოქმედო საზოგადოებასაც არ ეღალატნა ამ ტრადიციისათვის.

ასეა, თუ ისე, ბჭობა დაიწყო და პირველი მოხსენება ებოძა ბათუმის განყოფილების წარმომადგენელს,

გამოუთქმელის ნწუხარებით აღვნიშნავ, რომ მშვენიერი სურათი ბ-ნ კოზახიძისა შემთხვევით, ცინკოგრაფიაში გაუგზავნილი დაგვრჩა და ველარ იბეჭდება. ეშმაკი.

ბ-ნ კოზახიძეს, რომელმაც ჩინებული თ დასურათა ბათუმის განყოფილების მოღვაწეობა საქველმოქმედო ასპარეზზე და გამოიწვია დამსწრე საზოგადოების ტაში.

\*) ერთ-ხმად იმიტომ, რამ მათი კანდიდატურა ერთმა კაცმა ბ-მა ნ. გოთუამ დასახსელა. დახარხებ დამსწრეთ არც კი უთქვამთ, არც არა.

სამწუხაროთ უნდა აღვნიშნო, რომ ჩემი განვითარება ჯერ იმ ზომამდე არ არის მიღწეული, როგორც ერთი იტალიელისა, რომელიც ერთსა და იმავე დროს თურმე: ლექსსა სწერდა, არითმეტიკულ ამოცანას ხსნიდა, ომის ქარტას ჰხატავდა და ორ მოსაუბრეს უსმენდა და ებაახებოდა. მე როცა ვხატავ, მაშინ ლაპარაკისა აღარაფერი მესმის და სწორეთ ეს იყო მიზეზი, რომ ბ-ნ კოზახიძის მოხსენებიდან, ბათუმის განყოფილების მოღვაწეობის შესახებ, თითქმის არაფერი დამნახსოვრებია.



მშვენიერი მოხსენება გააკეთა აგრეთვე ახალციხის განყოფილების წარმომადგენელმა ქალბატონმა ნად. ვარდავაძემ. განსაკუთრებული მოღვაწეობა ამ განყოფილებისა, თუ მეხსიერება არა წლილტობს, თავშესაფარში უდევს. განყოფილება ჯერ ძლიერ ნორჩია და მეტიც არ მოეთხოვება.

სამაგიეროთ ფოთის განყოფილება არც თუ ეგზიმ ახალგაზრდა და თუ მის წარმომადგენელს,



ბ-ნ ჯაფარიძეს დაუუჯერებთ, განყოფილებდ



უმოქმედობას უსახსრობა ძლიერ უწყობს ხელს. როგორც ხედავთ „ხელს უწყობს“ მაინც და არ კი უშლის. ბ-ნმა წარმომადგენელმა კრებას მოახსენა შავი ზღვის პირად წვიმებისა და კრიონის ცუდი ზნის შესახებ. ეს მდინარე ნიაღვრების დროს კალაპოტიდან გადმოდის თურმე.—საჭიროა მთავარმა გამგებამ მეტი ფულიერი დახმარება აღმოუჩინოს ფოთის განყოფილებას.


მოვარდნილა. ამის გამო ჭირნახული სულ გადახმარა და ხალხი უზომო გასაქირში ჩავარდნილა. მაინც ახირებული საქმე კია: მისცა წვიმა განგებამ ფოთის რაიონს, ყვირიან: დაგვაქცია ამ წვიმებმაო; არ მისცა შორაპნის რაიონს, მაინც ყვირიან: დაგვაქცია ამ უწყვილობამო. ქეშმარიტათ რომ მიიმეო გუბერნატორის მოვალეობა!

დინჯათ, ქართლური დარბაისლობით და ვრცლათ ილაპარაკა გორის განყოფილების უმოქმედობაზე



სამტრედიის წარმომადგენელი მამა სილ. ხუნდაძეც მდიდარი აღმოჩნდა მისდამო რწმუნებულ რაიონის გაკვირებათა აღნუსხვის დროს. ხათაბალა მხოლოდ ის არის, რომ ფული არც იმათა ჰქონიათ და იმედს მთავარ გამგეობაზე ამყარებენ. ამავე აზრის გახლდათ ზესტაფონის წარმომადგენელი.

ბ-ნმა სიმ. შაჰავარიანმა ვგონებ არც ამ განყოფილებასა ჰქონდა საქველ-მოქმედო თანხა და უმთავრესი მათი მოღვაწეობა სიტყვიერი ყოფილა. თელავის განყოფილების წარმომადგენელმა



მამა კოტე ანთაძე. ზესტაფონის რაიონში, მამა კოტეს სიტყვით ერთი წვეთი წვიმაც არ ჩა-

ბნმა ივ პაატაშვილმაც ვრცლათ აღნუსხა თელა-

ველთა ნამოღვაწევი ქველმოქმედების ასპარეზზე. სხვათა შორის მათ შეუდგენიათ სიები გაჭირვებულ კახელთა.



ქობულეთის საავთმყოფოს ექიმა ბ.ნმა ბენაშვილმა მოახსენა კრებას მისდამორწმუნებულ საავთმყოფოს საქმეები. პატივცემული იქიმი ხშირად ლაპარაკობდა რაღაც „აღმოჩენის“ შესახებ, მაგრამ მთელი ჩემი ყურადღება მხატვრობაზე იყო მოპყრობილი და ვერ გავიგე თუ რა აღმოაჩინეს. შეიძლება საშუალება ქერტლის წინააღმდეგ. საზოგადოება გამოაცოცხლა და აახმაურ-დაახმა-



ურა საზოგადოების მდივნის ბ.ნი პავლე საყვარელიძის მოხსენებამ. ის სწორეთ იმ დღეს დაბრუნდა სამხრეთ საქართველოში მოგზაურობიდან და თან ჩამოიტანა მრავალი ცნობები.

ჩემ მიერ გამოხატული სურათი, ვგონებ, საკმაოდ გადმოგვეცემს მის აღშფოთებას ნახულ გაგონილით; ასე რომ „ამაზე ლაპარაკიც კი მეტია“.

ხანგრძლივ და პოეტურათ ილაპარაკა აქარის სკოლათა შესახებ ბ.ნმა იერემია გულისაშვილმა. ჩემდა სამწუხაროთ უნდა გამოვეტყდე, რომ სურათი პატივცემული პედაგოგისა ვერ გამოვიდა მისი შესაფერი და ჩემს ნიჭზე გული გამიტეხა.

მოულოდნელ გარემოებათა გამო იძულებული ვიყავ კრება დამეტოვებია და ჩემს სიხარულს საზღვარი არა ჰქონდა, როცა დაბრუნებისას გავიგე:

— საზოგადო კრება უკვე დასრულდაო.

მუშაკი.

# პერიქლესთან\*)

ვოლ. I მთქ.

## მომხმედნი პირნი:

- ბტეფანე, მეჩექმე—35 წ.
- გრიშა, ამისი ნოქარი—15—16 წ.
- არშაკ არშაკიჩ, სტეფანეს მეგობარი—45 წ.
- ელენე წიწმატაძისა, —25 წ.
- ბარბარე მამლაძისა, მოსამსახურე გოგო—30 წ.
- დათა, მეეტლე, ბარბარეს ძმა—27 წ.
- აპოლონ, გუბერნატორის კანცელარიის მოხელე—50 წ.

ავქსენტი, ამისი მოსამსახურე—24 წ.  
სტენა წარმადგენს სტეფანეს სსხელოსნოს. უბრალო ღუქანი, სდაც სდგას რამდენიმე ხის დაბალი სკამი ტყავით გადაწნული. ისტაკზე სდგას „ლახანკა“ წელით სავსე ტყავების გასაბობათ. სტეფანე დასდგას უზის და „შვილკას“ არტუჟს, გრიშა ფეხსაცმელებსა სწმუნდავს.

\*) ეს პიესა ნებადართულია ტენზორის მიერ სტენასე დასადგმელათ კანცელარიის „ოტზივი“ № 2906-916

I

სტეფანე და გრიშა

**სტეფანე.** (მღერის) „პირზედ გაქვს ხალი, შავ-შავი თვალი, კოცნა მსურს შენი“... (გრიშას) ჰა, მორჩი რას უცაცუნებ!

**გრიშა.** (ბუტბუტით) უსომ და მეტი რა ვქნა! (ჩექმებს დაიფურთხებს და ჩქარა უსვამს ჩოთქს) რომ აღარ იწმინდება ეს ვერანა მე რა ვქნა.

**სტეფანე.** უსომ რომელია, აღარ უნდა გაათავო!

**გრიშა.** (მკვანის ისვამს ცხვირზე და იწმინდს) არ იწმინდება ეს საოხრე და მე რა უყო! (ისმის კარუბის რახუნს).

**სტეფანე.** (შუკბუღურს) ნუ გააბი ლათაიები, ნახე ვინ არახუნებს კარებს.

**გრიშა.** დგება (ჩექმებს დაიწყოებს და ზღაზღნით მიდის) არ იწმინდება და ჩემი რა ბრალია! (გადის).

**სტეფანე.** (დასვის ქვეშადან ამოიღებს ბოთლით ღვინოს და მოიფუდებს) უჰ, შენ დამწურს ვენაცვალე იმ ფეხებში! უკვდავება, უკვდავება უფლის მადლმა! (მღერის) „პირზედ გაქვს ხალი“... (შეშადის გრიშას).

**გრიშა.** ვილაცა ქალია და ხაზეინი მინდაო.

**სტეფანე.** ვინ ქალია, ბიჭო, რომელი?

**გრიშა.** რა ვიცი, მოკერილი კაბა კი აცვია და!

**სტეფანე.** (დგება და მიდის) ვერ იცანი, ვინ არის?

**გრიშა.** (ცხვირის წმენდით) რა ვიცი, ბორკილივით კი აქვს გაყრილი ფეხებში ის კაბა და!

**სტეფანე.** (კარებსში) მობძანდით, მობძანდით!

II

სტეფანე, გრიშა და ელენე.

**ელენე.** (სტეფანეს) ეს „ბატინკები“ უნდა გამოიკეთოთ.

**სტეფანე.** გაგიკეთებთ, სბოლშიმ სულოვოლ-სტევიმ.

**ელენე.** ძალიან მეჩქარება.

**სტეფანე.** ბატონი ბძანდებით, ეხლავე გინდათ გაგიკეთოთ?

**ელენე.** დიახ, ძალიან მეჩქარება.

**სტეფანე.** გაიხადეთ რალა, ხელათ იქნება.

**ელენე.** არა, ფეხზე სხვისი შესაცმელები მაცვია. (აძლეეს ქაღალდში გახვეულ ბატინკებს) აი, ესენი არის ჩემი და თუ ძმა ხარ ამ ორ საათში მომიმზადე.

**სტეფანე.** (ბატინკებს სინჯავს) ამას პატარა ნაქერი უნდა.

**ელენე.** ერთი სიტყვით რაც საჭიროა გააკეთეთ.

**სტეფანე.** გაგიკეთებთ ვა, მაგაზე რა ხვეწნა მინდა!

**ელენე.** შუადლის მატარებლით მივდივარ და თუ დავბრკოლდი თავი უნდა მოვიკლა, ისე მაქვს საქმე.

**სტეფანე.** რათა, რათა ვა! აფსუსი არ არის თქვენი სიკვდილი! (იგინის).

**ელენე.** (მიდის) მაშ თქვენ იმედზედ ვიქნები.

**სტეფანე.** პოეზდისთვის იქნება რალა, უმეველათ.

**ელენე.** (კარებსში მიმავალი) დღეს შუადლის მატარებლისათვის, გახსოვდეთ, (გადის).

**სტეფანე.** (ავიღებს) ბუდიტ, ბუდიტ, აბეზატელნა ბუდიტ (გადის).

**გრიშა.** (იღრეკება) ბევრი პოეზდი გაივლის რომ შენი პოლსაპოკები აქვე ეყრება გაუკეთებელი! (სტეფანე შეიშადის).

**სტეფანე.** აჰ, რა ქენი, გაწმინდე?

**გრიშა.** (ცხვირის წმენდით) ამაზე მეტი არა პრიალდება და მე რა უყო!

**სტეფანე.** (გადიურის ელეეს ბატინკებს) აჰა, ესენი კარგათ გაფხიკე და გაასუფთავე. (გრიშა ფხვავს. სტეფანე ბოთლით ღვინოს მოიფუდებს) უჰ შენი სულისა, ნამდვილი წიმალია რალა! ამ დალოცვილს რომ დაღვე ძარდვები სულ ლეკურს თამაშობენ ქრისტეს მადლმა! აფსუსი არ არის ამისთანა რამე კაცმა არ დალიოს! ჩვენი დოხტურები ტუტუტუები არიან უფლის მადლმა! არა, იმ მწარე ხინით რომ ჰბერავენ კაცსა, ის არა სჯობია, რომ ეს ქრისტეს ნაკურთხი გამოუწერონ, რომ სულსაც ეამოს და გულსაც! (კიდევ მოიფუდებს) უჰ, შენი დამწურის კირიმე, შენი თაფლია, თაფლი უფლის მადლმა! (მღერის).

III

იგინივე და არშაკა.

არშაკა. (შეშინდის. უშუქულებული დიხი აქვს. ძაღლიან მსუქანს კაცის ძლივს ქმისხვს სიმსუქანისგან.) ოჰ, ბაროვ, სტეფან, ბაროვ!

სტეფანე. ოოო, არშაკ არშაკიჩ, სიდედრსა ჰყვარებიხარ აი, კარგ დროს მოხვედი, კაკ პაეი-ვაიშ!

არშაკა. რაღა პაეივაიშ, შე სალავათ ძაღლო, ძალიან ბევრი დავლიეთ გუშინ.

სტეფანე. ხაშის იშტაზე არა ხარ? (გრძის) ერთი დიდი ჯამი გაასუფთავე და ხაში მოიტანე.

არშაკა. ხაში კი არა, კაცო, თავი დაბრუებუ-ლი მაქვს, განა ამდენი სმა იქნება!

სტეფანე. არა, შე ოხერო, შენ მიინც ახირე-ბული სმა იცი, ისე ეშურები და ყლაპამ იმ დეი-ნოს, თითქოს პატენტს ვაღა გასდისო.

არშაკა. შენმა თავის გახეთქამ შენ კი კაბლე-ბით იწვეთებ რაღა პირში! რა ვიცი რომ გააღებ მაგ ვერანა ხახას, თითქოს წისქვილის ღარიოა, ისე თქრიალით გადადის მოუკუპრავში.

სტეფანე. კარგია, დაჯექ, ნუ გააბი ლაპარა-კი, (გრძის) რა ქენი ბიჭო, ვერ გაასუფთავე ჯამი?

გრიშა. რა ვქნა ეს ვერანა ქონი არ შორდე-ბა და!

სტეფანე. წყალი დასხი და შორცხე, შე ვი-რო შენა! (სტეფანე მოტრიალდება და დასვინს უჯრ-დან ფუფს იღებს. გრძის შივა დოქთან და რადგან დოქ-ში წყალი არ დახვდება, დასხვამი ჩაყოფს ჯამს გასა-რეცხათ.)

არშაკა. (გრძის) რას შერები, რას, შე ლაწი-რაკო შენა!

სტეფანე. (მობრუნდება, მივარდება გრძის და ეურებს უწევს) არა, ეს რა საქნელია, შე ლუპუსტა-წო შენა!

გრიშა. (ცხვირის წმენდით) რა ვქნა, მაშ არ გავრეცხო!

სტეფანე. მერე ლახანკაში რეცხავ, შე მუტ-რუკო შენა!

გრიშა. მერე რა უკირს, ესეც წყალი არ არის?

სტეფანე. (ჯამს წაართმევს) იქით დაიკარგე, შე ვირო შენა. წადი ივანიკასთან და უთხარი ჩემს მაგივრათ ერთი აბაზის ხაში გამომიგზანეთქო. (ფუფს აძლევს).

გრიშა. მერე, ჯამი არ უნდა!

სტეფანე. გასწი, წადი ჯამს თითონ მოგცემს.

გრიშა. მაგ ჯამს რა უკირს მერე!

არშაკა. ლახანკაში ამორეცხილი ჯამით მამა-შენს წაუღე, შე დათვო, შენა!

გრიშა. ახალი წყალია ბატონო, ლახანკაში...

სტეფანე. (შეუფვირებს) გასწი ჩქარა, რა გე-უბნებიან არ გესმის!

გრიშა. ახალი წყალია ხაზენ, გუშინ ჩავსხი...

სტეფანე. (ძლიან დაუფვირებს) გასწი მეთქი!

გრიშა. წავალ, წავალ.

სტეფანე. ორი შაურის თორნის პური იყიდე და ერთი აბაზის ხაში გესმის, ჩლიქები ჩააყრეინე შიგ ლამაზათ და მიიტანე ჩქარა.

გრიშა. ჯამი რომ არ მომცეს?

სტეფანე. (შეუბღვეს) გეუბნები რაღა რომ მოგცემს მეთქი!

არშაკა. ჰა, მორჩი მალე.

სტეფანე. (შეუფვირებს) ბიჭო, აქა ხარ კიდევ!

გრიშა. წავალ, მაგრამ ჯამი რომ არ გამომა-ტანოს!

სტეფანე. (ძლიან დაუფვირებს) წადი მეთქი მალე!

გრიშა. (ცხვირის წმენდით და ბუტბუტით) მიე-დივარ, ბატონო, მიედივარ. (გადის).

IV

სტეფანე და არშაკა.

არშაკა. ძალიან უშნო რამ კია ეს შენი პრი-კაშიკი. როგორ დოყლაპიასავით დაუღია პირსუ.

სტეფანე. მეც ვიცი რომ უშნოა, მაგრამ კის შოვნა რომ აღარ არის! უნდა შავიფერო ოხრ ვიზამ!

არშაკა. მართლა, სტეფანე, ეს ჩემები მაქვს დასაპაჩინკებელი.

სტეფანე. გაიხადე რაღა, დაყარე და გავაკეთებ.

არშაკა. რა გავიხადო ახლავე გააკეთებ?

სტეფანე. ერთი დღინო დავლიოთ კაცო, რა დროს ეგ არის! დაყარე და ხვალისთვის გავაკეთებ რაღა.

არშაკა. ეე, ბაშკა, მე რაღა ჩავიციო დღეს!

სტეფანე. შენ გაიხადე. ჩემები ჩავაცო რამ

ანტიკა. (აწვდის ჩექმებს) ცოტა ქუსლები აქვს გასაკეთებელი, მაგრამ არა უშავსრა, იოლათ წადი.

არშაკა. მერე ვისია, ბიჭო, ეს ჩექმები? აქ პატრონმა არ დამინახოს და არ გამროზგოს!

ხტეფანე. შენ ჩაიცვი, ნუ გეშინიან.

არშაკა. ბიჭო, რომ ჩაეცევა შარია, ძმაო, შარი. ქუჩაში რომ დიმიტიროს ამის პატრონმა ხალხი რას იტყვის, ან თითონ მას რა უთხრა!

ხტეფანე. ჩაიცვი ძმაო, ნუ გეშინიან. მაგის პატრონი ჯერ მაგას არ მოიკითხავს და თუ მოიკითხა ატევიჩი მე ვარ, შენ რა გენალელება! (არშაკა იხდის თავისას და სტეფანეს მიტეპულ ჩექმებს იტყავს. სტეფანე ღვინოს იღებს და აწვდის არშაკას). აბა, არშაკა, ნახე რა ღვინოა!

არშაკა. (გაკვირვებით) ეს ბოთლი რა ამბავია კაცო, პოეზღზე ხომ არ მიეშურები!

ხტეფანე. თუ დალევ რიგინათ უნდა დალიო, რომ ჯიგარმა გაიგოს. (სვამს) ეს ღმერთმა ადღეძელოს ჩვენი ძმობა-ერთობა.

არშაკა. ამინ! (აბრუნდის სვამენ) ვა, ვოტ ღვინო! კაცო, ვის გამართვი ამისთანა ღვინო?

ხტეფანე. შენ ერთი ამის არამატი ნახე და რა არის!

არშაკა. გეუბნები კარგია მეთქი რაღა!

ხტეფანე. (ჭუსუნავს ბოთლს) ვა, ვა, ვა, ლადიკალონია რაღა უფლის მადლმა! ამას ვინც არ დალევს ან დღე მოკვდება, ან ღამე. (სტეფანე მღერის არშაკაც აჭეკება) „პირზედ გაქვს ხალი“...

არშაკა. აფსუსი არ არის ეს ღვინო ჩინონიკმა მარლიოს! ამის დამლევს გემო უნდა, გემო.

ხტეფანე. ჩინონიკმა რომ ეს ღვინო დალიოს, ვომ დარეტყიანდა.

არშაკა. (იღვინის) ვინ იცის ციტყრები სულ ყირამალა დაწეროს!

ხტეფანე. დალიე, ძმაო, დალიე. ჩვენზე ალალია. ეს ღმერთმა ადღეგრძელოს ქვეყანაზე მართათიანი კაცი.

არშაკა. ამინ! (სვამენ).

ხტეფანე. ციფრები კი არაა, ჩინონიკმა რომ ეს ღვინო დალიოს, ვინ იცის, ინდაურები სტოლნაჩალიკი ეგონოს. (შემოდის ბარბარე).

V

იგინივე, ბარბარე და შემდეგ გრიშა.

ბარბარე. (მოახდის პირბაზუ კვარასათ არის გამწეობილი. სნიერთა, მაგრამ ფერ-უმართილით ავკილეს თავს. კანასი ქაღია. ქაღალდში გამოსეული ფესისაწმელები უჭირავს სელში). გამარჯვება შენი სტეფინე.

ხტეფანე. ოო, ბარბარე ქაიხოსრიჩ, პაჟალტე, პაჟალტე.

ბარბარე. (შეუბღვრს) მე სახუმაროთ არ მოვსულვარ შენთან. ფესსაცმელები უნდა შამიკერო.

ხტეფანე (მსიარულათ) ოჩენ პრიტანა. ფესსაცმელები შაგიკერო რომ ანტიკა!

ბარბარე. (ქაღალდში შესეული ფესსაწმელს აძლევს). ეს ხაზეინის ფესსაცმელია და დღეს უნდა იყოს მზათ იცოდე. შუადღის პოეზღით მიდის.

ხტეფანე. ბუდიტ, ბუდიტ, აბეზატელნა ბუდიტ. (დამიღით) შენ ეს მითხარი ტუფლები გინდა თუ პოლსაპოშეკნი?

ბარბარე პოლსაპოშეკნი რა ეშმაკათ მინდა! ღია ტუფლები შამიკერე, რომ ჩულქები არ დაიმალოს.

ხტეფანე. (სიცილით) მაშ ატკრიტი გინდა რაღა რომ ატარო. გინდა რაღა, რომ დახრუკო კავალრები. (მოახსლოდება) დიდი ეშმაკი ხარ შე წყეულო შენა. (ფოფაზე ხეჯი უნდა აუსვას).

ბარბარე. (მოიშორებს) ხელი გასწიე იქით, თორემ ამას ჰხედავ! (შეშტს მოუღებს)

ხტეფანე. ვა, რა გაჯავრებს! გეზუმრე გოგო, შე სასიკვდილე შენა.

ბარბარე. (გაჯავრებული) შენი სახუმარო სახლში გეყოლება შე მიიშუნო შენა. შენ იქნება ვინმე მაწანწალა გგონივარ!

ხტეფანე. ვა, ბარბარე ქაიხოსრიჩ, ზაჩემ სერჩაიშ, მგონიხარ რა, ვერ გიცნობ?

ბარბარე. ჰო და ქვიანათ იყავი გირჩევნია.

ბარშაკა. ვა, რას ცხარობ! კაცი გაგეხუმრა, სხვა ხომ არაფერი უქნია!

ბარბარე. (შეუკვირებს ფესების ბრახუნით) ხმა გაიქრე, შენ ვინ გკითხავს რომ ეჩრები! დაგდებულხარ რუმბივით და ლაქლაქობ. არა, შენ ვინა გკითხავს შე მძორო, შე ლეშო შენა!

არშაკა. (გაჯავრდება) ჰა, ჰა, ნუ გააფრინე, თორემ ხომ იცი!

ბარბარე. (მიიწვეს) ხმა გაიქრე მეთქი!

სტეფანე. (გადაედობება და სიცილით) ვა, ბარბარე ქაიხოსრონი, ვინ გაიგონა ბარიშნა და ჩხუბი!

ბარბარე. როგორ თუ ნუ ვჩხუბობ! არა, ვინ ეშმაკია რომ დაგდებულა მორგვივთ და ატარტარებს ენას!

არშაკა. მაღჩი, მაღჩი; ია ტებე დავარუ!

ბარბარე. უი, შე ყასახანის კუნძო, შენა!

სტეფანე. კარგია ვა, რა გაჯავრებს!

ბარბარე. როგორ თუ რა მაჯავრებს! არა როგორ გაბელა ჩემზე ლაპარაკი! მიცნობს, ვიცნობ თუ რა არის!

სტეფანე. (ეშმაკური სიცილით) მუეიკურათ მოუვიდა, ბარბარე ქაიხოსრონი, მაგრამ ახლა ვეროპე-იცკათ გაგაცნობ. ჩესტ იმეიუ ჰაზნაკომით არშაკ არშაკი ტერ-რუმზიანც.

ბარბარე. მეხი მიგასაც დავაყარე და მაგის გაცნობასაც.

არშაკა. ჰა, ჰა, თორემ იცი რას გიზამ!

ბარბარე. ხმა გაიქრე მეთქი! არა, რას მიზამ შე სასიკვდილე შენა!

სტეფანე. (მსარზე სეჯს დაჭკრავს) კარგია ბარბარე ქაიხოსრონი, შავრიგდეთ. მე და შენ ხომ ძველი ზნაკომები ვართ.

ბარბარე. (შეუბღვეს სტეფანეს) შენ ხელი და-იმოკლე და ეს ზომა აიღე გირჩევნია.

სტეფანე. (სწრაფათ დაუდგამს სკამს) დაბრძანდი, დაბრძანდი და ისეთი აკურატნი ზომა ავიღო რომ სულ კუკლასავით ტუფლები გამოვიყვანო.

ბარბარე. კარგი ტყავი იცოს, თორემ არ ვიცი რას გიზამ. (ატინკების შხურს ისინის).

სტეფანე. (მიავრდება) მაიცა, მაიცა, შენ რათ სწუხდები, მე გავიხსნი.

ბარბარე. საჭირო არ არის. მე თითონ გავიხსნი კიდევ და გავიხსნი კიდევ. (იხდის)

სტეფანე. შენი ნებაა. (ზატარა სკამს მიუდგამს) ამაზე დადგი ფეხი. (სტეფანე სწრაფი ქადადით სეჯში ჩაჯდება და ზომას უდებს) შენ ეს მითხარი ხალვათი გიყვარს, თუ მოკერილი?

ბარბარე. როგორ, ხელობას ჩემზე სწავლობ! ისე შევერე როგორც რიგი და წესია.

სტეფანე. მაშ აბიკნავენი გინდა რაღა ძალიან კარგი. (სტეფანე ეშხე მოსული იხეჯავს. ზომის ქადადით ერთ ადგილას გაუჩრდება) უჰ, შენი ქირიმე, რა ფეხია!

ბარბარე. ჰა, მორჩი მალე.

სტეფანე. მაიცა, დუშკა, მაიცა, აღარ გამა-ზომინებ!

ბარბარე. დუშკას მოგცემ თავში, მე ვიცი შენ გამამტყუებ რამეს.

სტეფანე. (ცოტათი კაბას აუწვეს და კანკზე და-სშტერდება) უჰ, კელაპტარია რაღა, კელაპტარი!

ბარბარე. ჰა, რით ვერ გაათავე!

სტეფანე. სიჩას, სიჩას, დუშკა! (ხან სიგრძეს უზომავს ფეხისს, ხან სიგანეს, ხან ქუსლს, ხან თითებს. აღარ უნდა რომ მოშორდეს. გასტერებული უუურებს და შემდეგ ამოიხრებს) ახ, ნეტავი ჩულქები ვიყო!

ბარბარე. (შეუტეგს) რას ბუტბუტებ, ვერ მორჩი!

სტეფანე. ეხლავე, ეხლავე, ერთი კანკის ზო-მაც ავიღო. (კაბას აუწვეს მუხლებამდის)

ბარბარე. (წაუშენს თავში და წამოვარდება) უი, შე ძაღლო-მამაძაღლო, შე რაზბონიკო შენა!

სტეფანე. (გასტერებული) ვა, რა იყო აღამი-ნო, რას იცემები!

ბარბარე. (ურტყამს) როგორ თუ რას ვიცემე-ბი! სულ თმებს დაგაგლეჯავ შე გათახსირებულო, შენ! როგორ, შენ უპატრონო ხომ არა გგონივარ!

სტეფანე. (დაბნეულად) ქრისტიანო ზომას აღარ ამაღებინებ!

ბარბარე. (ურტყავს) არა, შე სასიკვდილე, ტუფლის ზომას მუხლებთან რა უნდა შე საძაგე-ლო, შე გახრწნილო, შენა!

სტეფანე. (ყვირის) მიშველეეეთ, მიშველეეეთ!

არშაკა. (წამოვარდება) რა ამბავია რა, ქვეყანა შენა!

ბარბარე. (შეუტეგს) როგორ თუ რა ამბავია! (არშაკა უკან-უკან იწვეს) არა, შენ ვინ გკითხავს შე გაბერილო, შე მაჯლაჯუნავ, შე მუხის კუნძო შე-ნა!

არშაკა. დაელონა, დაელონა, ნუ ყვირი.

ბარბარე. თქვენ იქნება უპატრონო გგონი-ვართ! წავიდე ერთი ჩემ ძმას უთხრა და ის მოვა თქვენ ოხტში. (შიდის, მაგრამ კარებთან ისევე მობრუ-ნდება) მე თუ თქვენ ჩემი გალანძღვა იაფათ დავი-

სოთ, მაშ მე ქალი არ ვიყო, სულ თავბირს დაგ-  
მტვრევთ, თქვე სალახანებო, თქვენა! (უკან-უკან მი-  
დის ლანძღვით. კარებთან უნებ შემოტრიალდება გასას-  
ვლელათ და მომავალ გრიშის დატყაპება, რომელსაც ხელ-  
ში დიდი ჯაში ხაშით ჭირავს. ბარბარეს გადაესხმება. ბარბარე  
კაბს გაიბურტავს და შემდეგ ძაღთან გაჯავრებული დაფ-  
ლებს ხელს კალანოტს, ჩაქუჩს და ერთი სიტყვით რაც  
მოსვდება ხელში და დაუშენს სტეფანეს და ანუკას). ეს  
რა არის, ეს რა ამბავია? (დასვლელად კაბს აჩვენებს)  
სულ თქვენი ბრალია ეს ყველაფერი, თქვე ავაზა-  
კებო, თქვე სალახანებო თქვენა! დამაცადეთ, მე  
თქვენ გაჩვენებთ სიერს. (მოხრუნდება და სწრაფათ  
გადის).

**გრიშა.** (რომელიც აქამდის შიშისაგან მოკუნტული  
და სახე დადრეკილი იდგა, რა დაინახავს მისკენ მიმ-  
ვალ გაშმაკებულ ბარბარეს დაიწეებს ღრიალს) ვაიმე  
დედლილო, ჩემი ბრალი არ არის!

**გოგია.**

(დასასრული იქნება)

# გ ა ნ უ რ დ ა

ა. პ. ჩეხოვი

ისადილეს. მათი კუჭი სრულ ნეტარებას განი-  
ცდიდა, პირი უნებურათ იღებოდა და ამოქნარებდა,  
თვალეები ტბილი თვლემისგან ვიწროვდებოდა და  
იხუტებოდა. ქმარმა სიგარა გააბოლა, ერთი გაიზმო-  
რა და ლოგინზე გაიშხლართა. ცოლი კი ხრუტუ-  
ნით თავთან მიუჯდა... ბედნიერნი იყვენ...

— მიაბე რამე... — მოქნარებით წარმოსთქვა  
ქმარმა.

— აბა რა უნდა გიამბო!.. ჰმმ... აჰ მართლა!  
შენ გაიგე? სოფიო ოკურკოვას ქალი ცოლათ გა-  
ყოლია აი იმას... ე-ე-ე... რა გვარია... ფონ-  
ტრამბს!... აი უბედურება თუ გინდა ეს არის!

— და მერე რაში გამოიხატება უბედურება?

— რაში? ტრამბი ხომ არამზადაა ის ისეთი  
საძაველია... ისეთი, უსინდისო ადამიანია! ყოვლად  
უბრინციპო! სულიერათ მახინჯი... უწინ გრაფთან  
მსახურებდა გამგეთ და ჯიბეც კარგად გაისქელა,  
ახლა რკინის გზაში მსახურობს და იქაც ქურდობს...  
თავისი დაი გაძარცვა... ერთი სიტყვით ქურდი და

ავაზაკია... და ასეთ ადამიანს ცოლათ გაყვება ქა-  
ლი?! მასთან იცხოვრებს?! საკვირველია ღმერთმანი!  
ასეთი ზნეობის ქალიშვილი და... აი დახე! არა,  
ასეთ პიროვნებას არას დიდებით არ გავყვებოდი!  
თუ გინდ მილიონის პატრონი ყოფილიყო! თუ გინდ  
ისეთი ლამაზი, ისეთი მომხიბვლელი ყოფილიყო  
რომ... რომ... რა ვიცი რას შევადარო... მე მაინც,  
მე მაინც შევეფურთხებდი მას! წარმოდგენაც კი არ  
შემიძლია, რომ მე მყავდეს ქმარი—ავაზაკი!

ცოლი წამოხტა ადგილიდან. სახე გაწითლებუ-  
ლი და აღელვებული მოჰყვა ოთახში სიარულს.  
მისი თვალეები რისხვით აენტო, მისი გულწრფელო-  
ბა აშკარად სჩანდა.

— ოჰ, ეს ტრამბი ისეთი ქმნილებაა, რომ  
არ ვიცი... და ათას ჯერ ბრიყვი და სულელი უნ-  
და იყოს ქალი, რომელიც ასეთ ადამიანს გაყვება.

— ძლიერ კარგიი... შენ რასაკვირველია არ  
გაყვებოდი... ასე იყოს... მაგრამ ეს მითხარი, აი  
ახლა, ვთქვათ, გაიგე რომ მეც ისეთივე არამზადა  
ვარ! რას იზამ მაშინ?

— მე? მაშინვე გაგშორდებოდი! ერთ წამსაც  
არ მოვიცდიდი შენთან! მე შემიძლია მიყვარდეს  
მხოლოდ მართალი და პატიოსანი კაცი! აი რომ  
გავიგო, შენ თუ გინდ იმის მესველი ჩაგიდენია რაც  
ტრამბს, მე იმ წამსვე, გათავდა! მაშინ Adieu!

— ძლიერ კააარგი .. ჰმ... აი როგორი ქალი  
მყოლიხარ... მე კი ეს აქამდე არც კი ვიცოდი.  
ხე-ხე-ხე... სკრუობს დედაკაცი და არც კი წითლ-  
დება!

— უკაცრავად, მე არას დროს არ ვტრუობ!  
სცადე ერთი სიგლახის ჩადენა და მაშინ ნახავ!

— აბა მითხარი რა მაქვს საცდელი? განა თვი-  
თონ არ იცი... მე ხომ გაცილებით უფრო დახე-  
ლოვნებული ვარ ასეთ საქმეში, ვიდრე შენი ფონ-  
ტრამბი! ტრამბი რა არის? ის უბრალო ჯიბგირია  
ჩემთან შედარებით. როგორ, შენ გიკვირს?—სა-  
კვირველია... (პაუზა) რამდენს ვიღებ მე ჯამაგირს?

— სამი ათასს წლიურათ.

— კარგი. აბა რამდენი ღირს ახლა ბეჭედი,  
რომელიც გასულ კვირას გიყიდე?—ორი ათასი, ხომ  
ასეა? ამას მიუმატე გუშინდელი ტანსაცმელის ხუ-  
თასი... აგარაკის ორი ათასი... ხე-ხე-ხე! გუშინ მა-  
მაშენმა კიდევ ათასი მანეთი გამომცანცლა...

— კი, პიერ, მაგრამ დამატებითი შემოსავალი ხომ...

— ახლა ცხენები... შინაური ექიმო... მკერავი ქალების ანგარიში. სამი დღის უკან შენ კიდევ ასი მანეთი წააგე...

ქმარი წამოიწია, თავი მუშტებზე დააყრდნო და მთელი საბრალოდებლო ოქმი წაიკითხა. ბოლოს საწერ მაგიდასთან მივიდა და ცოლს გადაუშალა თვალწინ რამოდენიმე თვალდასანახი დამამტკიცებელი საბუთები.

— აი ახლა ხომ ხედავ, ჩემო კარგო, რომ შენი ტრამბი ჩემთან მონაგონი არ არის, რომ ის ჩემთან შედარებით უბრალო ჯიბგირია!.. მაშ Adieu! წადი და ნუ გამიკიცხავ!

მე გავათავე მკითხველო. მაგრამ შესაძლებელია თქვენ კიდევ დამეკითხოთ:

— მერე რა ჰქნა ქაღმა, წავიდა, განშორდა თავის ქმარს თუ არაო?

ღიან განშორდა... მეორე ოთახში გავიდა...

**პოდბიჰენტა.**

**წერილი კელაქსის**

„ეშაკის მათრახის“ 38 ნომერში ბ-ნი მასინკაღე ეხება და ჩირქსა სცხებს ჩემს პირფანებს. სიმართლის აღსადგენათ ვიწვევ მას სამედიცინო სსსმართლობაში. ჩემის მხრით მედიცინარეკებათ ვინაშნა: დიმიტრი მესსს, ჯარლამ შექმარაშვილს და პრეკობი კანდელაკს. ვსთხოვ კეთილ იხებოს და მობრძანდეს ბ-ნი მასინკაღე ბაშის სამინისტრო სკოლის შენობაში იმ თვის 1, შუადღის 12 საათზე. აქედანვე ვაცხადებ, რომ მტუყუნმა ჩვენ შორის, უნდა გადაიხადოს ქ. შ. წ. კ. საზოგადოების სასარგებლოთ 20 მანეთი ჯარიმა.

კობიტნარელი გურული.

**ჩვენი ფოსტა**

ბოკოკოს — „თავგადასავალი“ არ დაიბეჭდება.

მასინკაღე. „ღია წერილი კობიტნარის...“

არ დაიბეჭდება.

ტაიფუნს. „ყურ მოკრული საუბრები“ არ დაიბეჭდება.

ენუქის. „აი ეს ლექსი დავსწერე მე მოსკოვში და არ ვიცი კი როგორ დავსწერეო“ იწერებით პატივცემულო ენუქი:

**„ბავშვების სიმღერა“.**

ამხიარულეთ გულები

ცისკრის ლაჟვარდსა უმღერეთ

უდარდელები ფიქრები.

მხიარულნი დრონი კი წავლენ

თქვენდ მოგეწევის ავია

გულის ნაღველათ შეგეტყობით

მაგ უდარდელები დრონია.

იმღერეთ, იმღერეთ ხაზი მ. უხვით მაგ დროს

შემდეგში მოვა კი სხვა დრო და სხ...“

თქვენი დარიგებისა არ იყოს, ჩვენც გვინდოდა „ხაზი გავგვესო“ ამ ლექსისათვის, მაგრამ არ ვიცით რატომ არ გავუხვით.

**ალექსანდრეს ობოლს.** „მით შეინტერესება ამ წერილის დაბეჭდვა, რომ შინაარსიანი არისო“ იწერებით.

ამისთანა შემთხვევაზე ქართული ანდაზა ამბობს: „ფიცი მწამს, ბოლო მაკვირვებსო.“

**ოსტატს.** „ჯერ გადავფლავე ნინუა და ჩავისველე უელა.“

ასე იწყებთ თქვენს მესტირულს, მაგრამ მე რომ აფრახიონ ნინუას ვიცნობ, რაც უნდა ოსტატი იყოთ იმისი გადაუალაგვა უხიფათოდ არ ჩავიგოთ. ბელი თქვენი თუ ის არ არის.

**ივანდილელ გორდაძეს** თქვენი ლექსი სოფელ ივანდილისადმი საპრემიოა. ჩვენც მხოლოდ ამ მოსაზრებით ვბეჭდავთ ამ ორიოდ კუბლეტს:

„ქაღების არ მოიშაღეს

თავიანთ ცუდ ჩუქულებანი,

შვადამეზე ქუნა-ქუნა სეირნობა:

დაღიან და ტაშს უკრავენ

ვით მათრახის ეშაკიო,

ხან ვეჩერი, ხან ხაჭაშური,

ხან მაგენის სიკვდილიო.

ერთ შაბათ საღამოაო

დადგენ ვიჩერიო:

ავღეკი და შენ წაუგდი,

რომ შვედი შვა კარებიში

მე ფიქრები გამეჭნა...“

როდესაც ასეთი საჭირო აღგვიღას მიღხართ ყოველთვის სიფრთხილვა საჭირო. კიდევ დიდი მოთმინება ჰქონია იმ „ფიქრებს“ რომ უფრო ადრე არ გაიქცენ. „საცა არა სჯობს, გაცლა სჯობს...“